

Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat pillugu Namminersorlutik Oqartussat nalunaarutaat

Manna Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaat nr. 26, 28. november 2016-imeersoq, Inatsisartut inatsisaatigut nr. 24, 28. november 2018-imeersukkut, Inatsisartut inatsisaatigut nr. 13, 1. december 2021-meersukkut kiisalu Inatsisartut inatsisaatigut nr. 63, 20. november 2023-meersukkut allannguutitalik, nalunaarutigineqarpoq.

Kapitali 1

Inatsisip atortuuffia

§ 1. Inatsit atortussaatinneqarpoq kommuninut aamma Namminersorlutik Oqartussanut, taakkununga ilanngullugit ingerlatsiveqarfinnut, naalakkersuisoqarfinnut, paaqqinnittarfinnut, suliffeqarfinnut il. il., taakku missingersuutaat kommunit ukiumoortumik missingersuutaannut imaluunniit Namminersorlutik Oqartussat aningaasanut inatsisaannut ilanngunneqarsimappata.

Imm. 2. Naalakkersuisut aalajangersinnaavaat inatsimmi malittarisassat aamma inatsit naapertorlugu malittarisassat tamakkiisumik ilaannakortumilluunniit suliffeqarfinnut, peqatigiiffinnut, aningaasaateqarfinnut il. il. atuutsinneqassasut:

- 1) taakku ingerlatsinermi imaluunniit naatsorsuutitigut amigartoorutaat kommuninit Namminersorlutilluunniit Oqartussanit tapiissutitigut imaluunniit inatsit naapertorlugu tapersiilluni tunissuteqartoqarneratigut, akitsuutitigut allatigulluunniit isertitatigut matussuserneqassappata, imaluunniit
- 2) kommuninit, Namminersorlutik Oqartussanit imaluunniit suliffeqarfinnit il. il. nr. I-imi ilaatinneqartunit aningaasaliiffigineqartartunut, tapiissutisartunut, taarsigassarsisinnegartunut, qularna-veequsiiffigineqartunut allatigulluunniit taperneqartunut, tassa aningaasaliissutit il. il. tiguisussap ingerlatsineranut annertuumik pingaaruteqarpata.

Imm. 3. Imm. 2 atuutsinneqassanngilaq inatsimmi allami suliffeqarfiup, peqatigiiffiup imaluunniit aningaasaateqarfiup missingersuusiornissaanut naatsorsuusiornissaanullu malittarisassanik aalajangersaasoqarsimappat.

Kapitali 2

Missingersuutininik oqimaaqatigiissitsineq taarsigassarsinerlu

Missingersuutit oqimaaqatigiissitsineq

§ 2. Missingersuutit tamarmiusut kommunimi imaluunniit Namminersorlutik Oqartussani ukiut sisamat ingerlaneranni oqimaaqatigiissinneqassapput imaluunniit sinneqartoorfiussapput, taamaattoq imm. 3 takuuk.

Imm. 2. Missingersuutit oqimaaqatigiissinneqarnissaannik piunasaqaat imm. 1-imi pineqartoq naammassineqarsimassaaq, kommunip ukiumoortumik missingersuutaani, ukiunut arlalinnut missingersuutit ilanngullugit imaluunniit Namminersorlutik Oqartussat aningaasanut inatsisaat, ukiunut arlalinnut missingersuutit ilanngullugit:

- 1) sanaartornermut, ingerlatsinermut, isertitanut aamma tapiissutitut atatillugu inernerit tamarmiusut amigartoorfiunngippata, aamma
- 2) ingerlatsinermut, tapiissutitut sanaartornermullu aningaasaliissutit tamarmiusut ukiumi ataatsimi annerpaamik 1,00 procentimik qaffassimappata aamma ukiut sisamat ingerlanerini ataatsimut qaffariaataat annerpaamik 2,00 procentiuppat.

Imm. 3. Inatsisartut akuersissuteqarnerisa kingorna imm. 2 malillugu naatsorsuinermit aningaasartuutit ineqarnermut, inuussutissarsiornermut imaluunniit ataqatigiimmik aqqissuussineranut suliniutinut aningaasaliineranut atatinneqarsinnaasut ilanngunneqassanngillat, sunniutissanik nalilersuineq malillugu ataatsimut isigalugu inuiaqatigiit aningaasaqarneranut iluanaarutaasut nalilerneqarpat. Uniffik siulleq malillugu akuersinermit, taarsigassarsiat § 6 malillugu akuerineqartillugit, aningaasallu aningaasaliinissanut akuerineqartunik aningaasalersuineranut atorineqartillugit aamma taarsigassarsianut, taarsigassarsianik pilersitsinermit akiliutinut aningaasartuutinut, naqitsinermit akiliummut, akiliinermut, akiliutinut ernianullu tunngasunik aningaasartuutit ilaapput.

Imm. 4. Imm. 2 nr. 2-mi procentit annertussusaat taaneqartut ukiuni kingullerni pingasuni innuttaasut amerliartornerannik Naatsorsueqqissaartarfiup 1. januaari eqqorluarlugu nalunaarsugaasa agguaqatigiissinnerata 80 pct.-iannik qaffanneqarput.

Imm. 5. Imm. 2 nr. 2-mi procentit annertussusaat taaneqartut ukiunut pingasunut 1. januaari eqqorluarlugu innuttaasut ikiliartornerannik Naatsorsueqqissaartarfiup kingusinnerpaamik nalunaarsugaasa agguaqatigiissinnerata 50 pct.-iannik ikilineqarput. Imm. 2 nr. 2-mi procentit annertussusaat taaneqartut ukiumut annerpaamik 0,25 pct. pointinik ikilineqarsinnaapput.

Imm. 6. Imm. 2-mi procentit annertussusaat taaneqartut ukiut aningaasanut inatsiseqarfiup tulliani aningaasaliissutinit agguagarsiap amerlassusiata assinganik qaffanneqassapput, ukiut aningaasanut inatsiseqarfiusut siuliini naatsorsuinermit aningaasat amerlassusaat nuunneqartut ilanngullugit naatsorsorneqarsimappata.

Imm. 7. Imm. 2-mi procentit annertussusaat taaneqartut aningaasaqarnermit ukiup tulliani aningaasaliissutinit agguagarsiap amerlassusiata assinganik qaffanneqassapput, naatsorsuinermit piffissap iluani aningaasat amerlassusaat kommuninit imaluunniit Namminersorlutik Oqartussanit suliassanut nuunneqartunut atatillugit tiguneqarsimappata. Taamatut pisoqartillugu imm. 2-mi procentit annertussusaat taaneqartut ukiut aningaasanut inatsiseqarfiup tulliani aningaasaliissutinit agguagarsiap assinganik millineqassapput, naatsorsuinermit piffissap iluani aningaasat amerlassusaat kommuninit imaluunniit Namminersorlutik Oqartussanit suliassanut nuunneqartunut atatillugit tiguneqarsimappata

Imm. 8. Imm. 2, nr. 1-imi taaneqartutut missingersuutit inissisimanerannik naatsorsuinermi, tunissutit, tapiissutit, ikiorsiissutit assigisaallu aningaasaateqarfinnit, ingerlatsivinnit, kattuffinnit, suliffeqarfinnit naalagaaffiillu suliniaqatigiiffiini inuinnarnillu tiguneqartut, tunissutit, tapiissutit il.il. kommunip namminersorluttilluunniit oqartussat aalajangersimasunik pisinissamut, aalajangersimasunik sanaartornissamut allanilluunniit suliassanut atugassaattut tiguneqartut isiginiarneqartassanngillat.

Imm. 9. Imm. 2, nr. 2-mi oqaatigineqartutut missingersuutit inissisimanerannik naatsorsuinermi aningaasartuutit siunertanut imm. 8-mi taaneqartunut, aningaasartuutit aningaasanik tunissutit, tapiissutit il.il. tiguneqartunit annertunerutinnagit ilanngunneqartassanngillat.

§ 3. Nikingassutaagallartup piffissami ungasinngitsumi aningaasaqarnikkut atasinnaassuseq ulorianartorsiortissanngippagu immikkorluinnaq pisoqartillugu § 2, imm. 1-mi piunasaqaatip taaneqartup saneqqunnissanut Naalakkersuisut inassuteqareernerisigut Inatsisartut Aningaasaqarnermut Akileraartarnermullu Ataatsimiititaliaat akuersissuteqarallarsinnaavoq.

Imm. 2. Pissutsit immikkut illuinnartut tassaapput pisut nalinginnaasuunngitsut Namminersorlutik Oqartussat nakkutigisinnaanngisaat aamma pisortat aningaasaqarnerannut tamarmiusumut pingaaruteqarluinnartumik sunniuteqartartut imaluunniit piffissat ilaanni aningaasaqarnikkut annertuumik kinguariartitsisartut.

§ 4. Naalakkersuisoq, Naalakkersuisut Siulittaasuata erseqqinnerusumik aalajangiineratigut piginnaatinneqartoq, ukiut tamaasa februaarip naannginnerani kommunit aamma Namminersorlutik Oqartussat ukiut aningaasanut inatsiseqarfiut sisamat siuliinut missingersuusiaasa inissisimanerannut naatsorsuutininik suliaqartassaaq. Naatsorsuutininik tamanut saqqummiussinissaq sioqqullugu Aningaasaqarnermut Siunnersuisoqatigiinnut oqaaseqaateqarfigineqartussanngorlugit saqqummiunneqartassapput.

Imm. 2. Naalakkersuisoq, Naalakkersuisut Siulittaasuata erseqqinnerusumik aalajangiinera malillugu tamatumunnga piginnaatinneqartoq, ukiut tamaasa apriliip naannginnerani ukiut aningaasanut inatsiseqarfiusut tulliit sisamanut kommunini aammalu Namminersorlutik Oqartussani aningaasanut § 2, imm. 2, nr. 2-mi taaneqartunut tunngavigineqartuninik naatsorsuutininik suliaqartassaaq. Naatsorsuutininik saqqummiussinissaq sioqqullugu kommuninut oqaaseqaateqarfigineqartussanngorlugit saqqummiunneqartassapput.

Imm. 3. Inatsisartut inatsisaatigut imaluunniit Inatsisartut inatsisaata allanngortinneratigut, Inatsisartut inatsisaanni imaluunniit Inatsisartut peqqussutaani aningaasartuutini, utertussat kingorna, Inatsisartut kommuninut katillugit 5 mio. kr.-t sinnerlugit aningaasartuuteqarnerulersitsippata, aningaasartuutaanerusussatut ilimagineqartut Namminersorlutik Oqartussat missingersuutaasa inissisimanerininik naatsorsuinermi ilanngullugit naatsorsorneqassapput, tak. imm. 1 aamma 2.

Piginnaatitsissut

§ 5. Missingersuutininik naatsorsueriaasissaq pillugu Naalakkersuisut erseqqinnerusumik malittari-sassaliorsinnaapput.

Taarsigassarsineq

§ 6. Naalakkersuisut inissianut, inuussutissarsiuutinut attaveqaatinullu suliniutinut aatsaat taarsigassarsinnaallutilluunniit taarsigassarsinissamut akuersinnaapput, atuisut akiliutaat, pisortat aningaasartuutaasa annikilliat pisortalluunniit kinguneqaatit isertinneruligassaasa minnerpaamik taarsigassarsiamut atasumik erniat taarsersuutitullu akiliutit matussusersinnaappasigit. Taamattaq aningaasaliissutit taneqartut ungasissumik isigisumik aningaasarsiornermut politikip attanneqarsinnaaneranut ikiofartuisuussapput.

Imm. 2. Imm. 1 aamma aningaasalersueriaatsini tulliuuttuni atoneqassaaq:

- 1) akiitsunik pisussaaffinnik tigusinerni
- 2) qularnaveeqqutunik pisussaaffinngoratarsinnaasunik allanik tigusinerni,
- 3) aningaasatigut attartornermik isumaqatigiissuteqarnermi, imaluunniit
- 4) pisortat namminersortullu suleqatigiinnerannik il.il. isumaqatigiissusiornermi

Imm. 3. Imm. 1-imi 2-milu taaneqareersutut taarsigassarsititsisoqarnissaani taarsigassarsinissaq taarsigassarsianillu akuersinissaq il.il. pillugit malittarisassanik erseqqinnerusunik Naalakkersuisut aalajangersaasinnaapput.

Kapitali 3

Aningaasaliissuteqarnermi tunngaviit

§ 7. Ukioq aningaasanut inatsiseqarfusoq 1. januaarimiit 31. decembarip tungaanut sivilissuseqarpoq.

§ 8. Aningaasaliissuteqartoqaaqqartinnagu aningaasartuuteqartoqassanngilaq aamma isertitaqartoqassanngilaq, taamaattoq tak. § 23, imm. 2

Kapitali 4

Aningaasanut inatsit, ukiumoortumik missingersuutit il. il.

Namminersorlutik Oqartussat aningaasanut inatsisaat

§ 9. Naalakkersuisut aningaasanut inatsisissatut siunnersuut ukioq aningaasanut inatsiseqarfusussaq sioqqullugu kingusinnerpaamik ulloq 1. september saqqummiutissavaat.

Imm. 2. Aningaasanut inatsisissatut siunnersuutip imarissavai Nunatta Karsiata ukiumi aningaasanut inatsiseqarfusumi aningaasartuutai isertitaalu tamaasa.

§ 10. Ilanngaatitaqanngitsumik naatsorsuisarneq tunngavigalugu aningaasartuutissanut isertitassanullu missingersuutit aningaasanut inatsisissatut siunnersuummi immikkoortinneqassapput.

Imm. 2. Aningaasartuutissat missingersuutaanni ingerlatsinermi aningaasartuutit kiisalu isertitat tamarmik ilanngunneqassapput.

Imm. 3. Isertitassat missingersuutaanni naalagaaffiup Namminersorlutik Oqartussanut tapiissutai aamma akileraarutitigut akitsuutitigullu isertitat ilanngunneqassapput. Aamma iluanaarutit, pigisanik nalilinnik tunisinerit, sanaartornerq il. il. isertitassatut aningaasaliissutinut ilanngunneqassapput.

§ 11. Aningaasanut inatsisitigut aningaasaliissutit naalakkersuisup aalajangersakkat erseqqinnerusumik aalajangersarneqarsimasut malillugit atuinissaanut piginnaatitsissutaapput.

Imm. 2. Naalakkersuisoq oqartussaaffimmi aningaasaliissutaanut akisussaasuvoq. Naalakkersuisup akisussaasuusup aningaasaliissutit atorluarneqarnissaat qulakkiissavaa.

§ 12. Aningaasaliissutinut oqaasertaliisoqarsinnaavoq. Oqaasertaliussat nalinginnaasumik taamaallaat aningaasaliinermi aqutsinermut ilapittuutaassapput.

Imm. 2. Oqaasertaliussat ukiumi aningaasanut inatsiseqarfiusumi aningaasanut inatsimmut oqaasertaliiffiusumi taamaallaat atuutissapput.

Imm. 3. Oqaasertaliussat aqputigalugit inatsimmut atuuttumut aalajangersakkanik tigussaasunik allanik ilanngussisoqarsinnaavoq. Oqaasertaliussat aqputigalugit inatsisinik atuuttunik allanngueq immikkorluinnaq pisoqartillugu, allannguutissallu piffissamut aalajangersimasumut atuuppata aatsaat pisinnaavoq.

Imm. 4. Oqaasertaliinikkut ataavartumik nalinginnaasumilluunniit inatsimmik allannguisoqarsinnaanngilaq.

Imm. 5. Oqaasertaliussat ukiumi aningaasanut inatsiseqarfiusumi tullermi aningaasaliissuteqarnissamut siuarsaasuussanngillat.

§ 13. Naalakkersuisut aningaasanut inatsisissatut siunnersuutip suliarineqarnissaanut aaqqissuuneqarnissaanullu malittarisassaliorsinnaapput.

Imm. 2. Naalakkersuisut aningaasat atorneqanngitsut ukiup tullianut nuutassat pillugit malittarisassaliorsinnaapput.

Imm. 3. Naalakkersuisut immikkoortunut pilersaarusiornissamut immikkoortup pineqartup iluani periusissianik sukkulluunniit atuuttunik takutitsisunut malittarisassaliorsinnaapput.

Imm. 4. Namminersorlutik Oqartussat illuutaanik aalaakkaasunik, sanaartugaataanik pigisaanillu nalilinnik allanik ingerlaavartumik aserfallatsaaliuinermit aamma nutarsaanermut aningaasanut inatsimmi aningaasanik immikkoortitsisoqarnissaa pillugu malittarisassanik Naalakkersuisut aalajangiisnaapput.

Sanaartornerit, iluarsagassat il.il.

§ 14. Sanaartugassanut iluarsagassanullu aningaasaateqarfik taamaallaat missingersuutinut naatsorsuutinullu teknikikkut aningaasaateqarfiuvoq, Nunatta Karsiani ilaasoq.

Imm. 2. Sanaartugassanut iluarsagassanullu aningaasaateqarfimmi Nunatta Karsianit sanaartornermut aningaasaliissutit isertitatut nalunaarsorneqassapput. Tamanna aamma sanaartornermut aningaasaliissutinut, Inatsisartut aningaasaqarnermut ataatsimiititaliaanit kingusinnerusukkat akuerineqarsimasunut aamma § 13, imm. 4 naapertorlugu aningaasaliinernut tunniunneqarsimasunut atuuppoq.

Imm. 3. Sanaartornermi suliniutit aningaasartuutaat Sanaartugassanut iluarsagassanullu aningaasaateqarfimmi aningaasartuutitut nalunaarsorneqassapput.

Imm. 4. Aningaasaqarnermut ukiut akornanni akiliutigineqartut nikingassutaat Sanaartugassanut iluarsagassanullu aningaasaateqarfimmi oqimaaqatigiissinneqartassapput.

Imm. 5. Sanaartornermi suliniutini ataasiakkaani katillugu aningaasartuutitut aningaasaliissutigineqarsimasunit aningaasartuutikinnerunermi sinneruttut, suliniutip naammassineqarnerani Nunatta Karsianut utertinneqartassapput.

§ 15. Naalakkersuisoq, Naalakkersuisut Siulittaasuata aalajangiineranit piginnaatinneqartoq, Sanaartugassanut iluarsagassanullu aningaasaateqarfiup ingerlatsineranut missingersuutitut aamma aningaasaliinermut tunngasunik aalajangersaassaaq.

§ 16. Naalakkersuisoq, Naalakkersuisut Siulittaasuata aalajangiineranit piginnaatinneqartoq, Sanaartugassanut iluarsagassanullu aningaasaateqarfimmik ingerlaavartumik aqutsinermut siulersuissaaq.

§ 17. Naalakkersuisut Sanaartugassanut iluarsagassanullu aningaasaateqarfimmi ingerlatat pillugit Inatsisartunut ukiumoortumik nalunaarusiortassapput, ilagalugit suliniutitut nutaanut, suliniutitut ingerlasunut aamma naammassineqarsimasunut imaluunniit suliniutitut taamaatiinnarneqarsimasunut, taama tulleriillutik, immikkut killiffiit.

Imm. 2. Nalunaarusiaq suliniutit suussusaannut aamma suliniutitut eqimattakkaanut immikkoortiterneqassaaq ima, nutaamik pissarsinissamut aningaasaliissutit aamma aserfallatsaaliuineranut iluarsagassanullu aningaasaliissutit akornanni immikkoortitsisoqarluni.

Piffissaq ungasinnerusoq eqqarsaatigalugu aningaasaliissuteqarnissamut Aningaasaateqarfik

§ 18. Piffissaq ungasinnerusoq eqqarsaatigalugu aningaasaliissuteqarnissamut Aningaasaateqarfik missingersuusioriaatsimut naatsorsuusioriaatsimullu aningaasaateqarfiuvoq Nunatta Karsianut ilaatinneqartoq.

Imm. 2. Aningaasaateqarfiup siunertarivaa piffissamut ungasinnerusumut aningaasaateqarnissaaq eqqarsaatigalugu aningaasaateqarfiup aningaasaataani aningaasaliissuteqartarnissaaq. Aningaasaateqarfiup aningaasaatai piffissaq ungasinnerusoq eqqarsaatigalugu toqqissisimanartumik, iluanaarutaanerpaaffusumik pitsaanerpaamillu inuiaqatigiit aningaasaqarnerannut sunniuteqarnissaat anguniarlugu aningaasaliissutigineqassapput.

Imm. 3. Aningaasaateqarfimmut akiliutit nuunneqartassapput immikkut ittumik isertitanit ukunangga:

- 1) Ingerlatseqatigiiffiit nunanit allaneersut aatsitassarsiornermi misissuinerannut sanaartornerannullu atatillugu ingerlatseqatigiiffiup akileraarutaanit 30 mio. kr.-nik amerlanerusunit Nunatta Karsiata iluanaarutaanit pissarsiat,
- 2) Aningaasarsianit akileraarutit pillugit Inatsisartut Inatsisaanni § 72 a aamma § 72 b naapertorlugit akileraarutit A-t.
- 3) Namminersorlutik Oqartussat pigisaannik 50 mio. kr.-t sinnerlugit nalilinnik tunisaqarnermit iluanaarutit.
- 4) Soraarnerussutisiassanik imaluunniit inuuneranut sillimmasiisimanernik Danmarkimi, Savalimmiuni nunaniluunniit allani soraarnerussutisiassanut aningaasaateqarfinnut nuussinernit imaluunniit inuunermik imaluunniit soraarnerussutiassanut sillimmasiisarfiimmit Kalaallit Nunaanni najugaqartumit akileraarutinit akitsuutinillu iluanaarutit.

5) Ingerlatsineq, sanaartorneq aamma taarsigassarsititsineq pillugit nunap karsiata naatsorsuutaanni sinneqartoorutit.

Imm. 4. Iluanaarutit imm. 3, nr. 1-4-ami taaneqartut tiguneqarnerminnit piaarnerpaamik aningaasaateqarfimmut ikineqartassapput. Sinneqartoorutit imm. 3, nr. 5-imi taaneqartut Inatsisartut nunatta karsiata naatsorsuutaanik akuersinerata kingorna ukiup aningaasanik inatsiseqarfiup naanerani ukiut sisamaanni ukiunilu aningaasanut inatsiseqarfiusuni akunnermiliuttuni amigartoorutaasinnaasut ilanngaatigineqareernerini piaarnerpaamik aningaasaateqarfimmut nuunneqartassapput.

Imm. 5. Imm. 3 malillugu akiliutigineqartut Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaat naapertorlugu isertitanut Kalaallit Nunaata Aatsitassarsiornermi Aningaasaateqarfianut ikineqartussanut imaluunniit Namminersorlutik Oqartussat aatsitassanit isertitaqarsinnaatitaanerata aamma ataatsimoortumik tapiissutisisinnaatitaanerata pillugu inatsit naapertorlugu isertitanut ilaatinneqanngitsut naalagaaffiup Namminersorlutik Oqartussanut ataatsimoortumik tapiissutaannik ikilisisissapput.

Imm. 6. Ukiut aningaasanut inatsiseqarfiusut akornanni akiliutigineqartut nikingassutaat aningaasaateqarfimmi nalimmassarneqassapput.

Imm. 7. Piffissaq Ungasinnerusoq Eqqarsaatigalugu Aningaasaliissuteqarnissamut Aningaasaateqarfiup ingerlaavartumik aqunneqarnera Naalakkersuisut Siulittaasuata erseqqinnerusumik aalajangersaaneratigut naalakkersuisumut tunniunneqassaaq.

Imm. 8. Naalakkersuisut aningaasaateqarfiup missingersuusiortarnissaanut naatsorsuusiortarnissaanullu malittarisassaliorsinnaapput.

Imm. 9. Naalakkersuisut minnerpaamik ukiumut ataasiarlutik Piffissaq ungasinnerusoq eqqarsaatigalugu aningaasaliissuteqarnissamut Aningaasaateqarfiup suliai pillugit Inatsisartunut nassuiaasiortassapput, tassunga ilanngullugu suliniutit nutaat, suliniutit ingerlanneqartut naammassineqarsimasullu imaluunniit unitsiinnarneqarsimasut killiffii immikkut naatsorsussavaat. Nassuiaat kingusinnerpaamik Nunatta Karsiata naatsorsuutaasa saqqummiunneqarnerani naammassineqarsimassaaq naatsorsuutinullu ilanngullugu suliarineqassalluni.

Imm. 10. Naalakkersuisut aningaasaateqarfiup aningaasaataanik aningaasaliissuteqartarnissaq pillugu erseqqinnerusumik aalajangersagaliorsinnaapput.

Aningaasaliissutit nutaat allanngortitaluunniit

§ 19. Naalakkersuisut ilassutitut aningaasaliiffigineqarnissamik qinnuteqaasiornissamut erseqqinnerusunik aalajangersagaliorsinnaapput.

Kommunit ukiumoortumik missingersuutaat, ukiunut arlalinnut missingersuutaat il. il.

§ 20. Aningaasaqarnermut Ataatsimiititaliaq kommunip ukiumut aningaasanut inatsiseqarfiusussamut tullermut ukiumoortumik missingersuutissaanik kommunalbestyrelsimut siunnersuusiusaaq. Siunnersuutit ukiunut tulliuttunut minnerpaamik pingasunut missingersuusianik imaqqassapput.

Imm. 2. Ukiumoortumik missingersuusiap imarissavai kommunipisertitassai aningaasartuutissaalu tamarmiusut kiisalu kommunip aningaasaataasa tigorianaat aamma aningaasaqarnikkut naatsorsuutaasa nikingassutaat.

Imm. 3. Ukiumoortumik missingersuutit aningaasartuutissatut isertitassatullu aamma nikerartussanut allanut ilimagineqartunut tamatigut takussutissaassaaq. Kommunit ataatsimoortumik tapiissutinik tunniussisoqarneranut atatillugu siunertanut aalajangersimasunut erseqqinnerusunut aningaasanik immikkoortitsisoqarnissaanut isumaqatigiissuteqartoqarsimappat ukiumoortumik missingersuutini ikinnerpaamik aningaasanik taakkuninnga siunertamut pineqartumut immikkoortitsisoqassaaq.

Imm. 4. Ukiumoortumik missingersuusiaq tunngavissiissanngilaq taarsigassarsinissamut, attartornissamut imaluunniit attartortitsinissamut, tassa Naalakkersuisunit akuersissummik pisariaqartinneqartumik tunniussisoqarsimatinnagu imaluunniit kommunalbestyrelsip malittarisassat atuuttut naapertorlugit Naalakkersuisunit akuersissummik pissarseqqaarani taarsigassarsinissaanut, attartornissaanut imaluunniit attartortitsinissaanut.

Imm. 5. Naalakkersuisut missingersuusiornissamut aamma ilassutitut aningaasaliissuteqarnissamut malittarisassaliorsinnaapput kiisalu kommunit aningaasaatissaannut tigorianaannut minnerpaamik piumasagaasiorsinnaallutik.

Imm. 6. Naalakkersuisut kommunit immikkoortunut pilersaarutinik suliaqartarnerannut malittarisassanik, immikkoortuni ataasiakkaani periusissanik sukkulluunniit atuuttunik takutitsisunik malittarisassarsiorsinnaapput.

§ 20 a. Kommunalbestyrelsit kommunimut sanaartugassanut iluarsagassanullu aningaasaateqarfimmik pilersitsinissaa akuersinnaavaat. Aningaasaateqarfik missingersuutitut naatsorsuutinullu teknikikkut aningaasaateqarfiuvoq kommunip karsiani ilaasoq.

Imm. 2. Sanaartugassanut iluarsagassanullu aningaasaateqarfimmi ukiumoortumik missingersuutit sanaartornermut aningaasaliissutit aamma sanaartornermut aningaasaliissutit tapiliussatut aningaasaliissutitut akuerineqarsimasut isertitatut nalunaarsorneqassapput.

Imm. 3. Sanaartornermi suliniutit aningaasartuutaat sanaartugassanut iluarsagassanullu aningaasaateqarfimmi aningaasartuutitut nalunaarsorneqassapput. Ukiut aningaasanut inatsiseqarfiit akornanni akiliutigineqartut nikingassutaat sanaartugassanut iluarsagassanullu aningaasaateqarfimmit oqimaaqatigiissinneqassapput. Sanaartornermi suliniutini ataasiakkaani katillugu aningaasartuutitut aningaasaliissutigineqarsimasunit aningaasartuutikinnerunermi sinneruttut, suliniutip naammassineqarnerani kommunip karsianut utertinneqartassapput.

Imm. 4. Aningaasaqarnermut ataatsimiititaliaq Sanaartugassanut iluarsagassanullu aningaasaateqarfimmi ingerlatat pillugit kommunalbestyrelsimut ukiumoortumik nalunaarusiortassaaq, ilagalugit suliniutitut nutaanut, suliniutitut ingerlasunut aamma naammassineqarsimasunut imaluunniit suliniutitut taamaatiinnarneqarsimasunut, taama tulleriillutik, immikkut killiffit.

§ 21. Aningaasaqarnermut Ataatsimiititaliap ukiumoortumik missingersuutissatut ukiunullu arlalinnut missingersuutissatut siunnersuutai kommunalbestyrelsimi minnerpaamik sapaatit akunnerisa marluk akornanni marloriarlugit suliarineqassapput.

Imm. 2. Ukiumoortumik missingersuutitut siunnersuut kommunip nittartagaatigut tamanut saqqummiunneqassaaq peqatigitillugulu siunnersuut siullermeerneqartussanngorlugulu aappassaaneerneqartussanngorlugulu kommunalbestyrelsip ilaasortaanut nassiunneqarluni. Siunnersuut aamma Naalakkersuisunut ilisimatitsissutitut nassiunneqassaaq.

Imm. 3. Ukiumoortumik missingersuutissatut aamma ukiunut arlalinnut missingersuutissatut siunnersuutit marloriarlugit suliarineqarnissaannut periusissatut malittarisassat kommunalbestyrelsip suleriaatsimini aalajangersassavai.

Imm. 4. Ukiumoortumik missingersuusiap aappassaaneerlugu oqaluuserineqarnissaanut inaarutaasumik piffissaliussassaq Naalackersuisut aalajangersassavaat, aamma ukiumoortumik missingersuusiami kommunalbestyrelsip inaarutaasumik akuersissuteqarnermini aningaasaliissuteqarfissanik isummerfigisassaani naatsorsuutit immikkoortiterneqarnissaannut malittarisassaliorsinnaapput.

Imm. 5. Ukiumoortumik missingersuutit akuersissutigineqarnerannit kingusinnerpaamik ullut 14-it qaangiunneranni taakku assilinerat Naalackersuisunut nassiunneqassapput.

§ 22. Ukiumoortumik missingersuutit ukiunullu arlalinnut missingersuutit akuersissutigineqarnerannit kingusinnerpaamik ullut 14-it qaangiunneranni kommunimi innuttaasunit takuneqarsinnaanngussapput.

Imm. 2. Ukiumoortumik missingersuutit ukiunullu arlalinnut missingersuutit imaasa naatsumik nassuiarneqarnerat ukiup aningaasanut inatsiseqarfiusussap tulliaata aallartinnginnerani kommunip nittartagaatigut tamanut saqqummiunneqassapput.

§ 23. Ukiumoortumik missingersuutini naatsorsuutit kommunalbestyrelsip ukiumoortumik naatsorsuutiniq akuersissuteqarnermini aningaasaliissuteqarfissanut tunngatillugit isummerfigisai § 21, imm. 4 naapertorlugu kommunip ingerlatsineranut pisussaaffliipput.

Imm. 2. Aningaasaliissuteqarnissamat oqartussaaffik kommunalbestyrelsimiippoq. Suliniutit inatsisitigut, peqqussutitigut imaluunniit allatigut inatsisitigut aalajangersakkatigut peqqussutigineqartut pisariaqartitsinermi kommunalbestyrelse aningaasaliissuteqaaqqaanngikkaluartoq aallartinneqarsinnaapput, aningaasaliissutilli piaarnerpaamik pissarsiarineqarsinnaasariaqarput. Kommunilbestyrelsillu aammattaaq aningaasaqarnermut ataatsimiititaliaq pisinnaatissinnaavaa ingerlatsinermi aningaasartuutissanik missingersuutiniittunik nikisiterisinnaanermut kiisalu sanaartugassanut aningaasaliissutiniq sanaartugassanut allanut nuussisinnaanermik.

Imm. 3. Ilassutitut aningaasaliissutaasut tamarmik aningaasartuutissatut akuersissutigineqartut qanoq matussuserneqarnissaannik paasissutissanik imaqassapput, ukiunut missingersuusiorfiusunut kingunerisinnaasai ilanngullugit. § 21, imm. 3-mi ilassutitut aningaasaliissutiniq atuisinnaanermut assinguvoq.

§ 24. Imm. 2-mi malittarisassatut aalajangersakkat apeqqutaatillugit kommunit Naalackersuisunit akuerineqarnatik:

- 1) taarsigassarsisinnaanngillat allanillu akiitsunik pisussaaffilersinnaanatik,
- 2) qularnaveeqqussisinnanatik aallanillu pisussaaffinngoratarsinnaasunut tiguisinnaanatik,
- 3) attartartorsinnaanatik leasinginillu isumaqatigiissuteqarsinnaanatik,
- 4) pisortat namminersortullu suleqatigiinnerannik il.il. isumaqatigiissussiorsinnaanatik, imaluunniit
- 5) aalajangersimasumik akiliutigisartakkamik assigisaanilluunniit neriorsuinnaanngillat, kommunit inatsisit naapertorlugu isumagisassarinnngisaannik.

Imm. 2. Naalackersuisut malittarsiassanik, kommunit erseqqissumik aalajangersarlugit killiliussani iluanni imm. 1-imi taarsigassarsisinnaanermik il.il. pisinnaatitsisunik aalajangersaassapput. Naalackersuisut

tassani pisinanatitsissummi, kommunit aningaasaqarnermik, missingersuutunik il.il. aqutsinerneramik piomasaaqatinik naammassinninnissaat tunngavissaatissinnaavaat.

Kapitali 5

Aningaasartuutunik nakkutilliineq

Sioqqutsisumik aningaasartuutunik nakkutilliineq

§ 25. Kommunit Naalackersuisullu tamarmik ukiumi aningaasanut inatsiseqarfusumi piffissani aalajangersimasuni naatsorsuutit, paasissutissat allat aamma kommunip pineqartup oqartussaaffeqarfiilluunniit ataasiakkaat ukiumut aningaasanut inatsiseqarfusumut tunngatillugu naatsorsuumminnik kingullernik misissuisimanermi naliliinerat pigineqartut tunngavigalugit ukiumi aningaasanut inatsiseqarfusumi aningaasaliissutissat sinnerlugit atuisoqassanersoq nakkutigissavaat.

Imm. 2. Kommunip Naalackersuisulluunniit imm. 1 malillugu aningaasartuutunik nakkutilliinerisigut paasinarsippat kommunip pineqartup imaluunniit Namminersorlutik Oqartussat ukiumut aningaasanut inatsiseqarfusumut inaarutaasumik naatsorsuutaasa ukiumi aningaasanut inatsiseqarfusumi aningaasaliissutissat sipporsinnaagaat, taava kommuni pineqartoq Naalackersuisorluunniit ukiumi aningaasanut inatsiseqarfusumi aningaasaliissutit sippuisussat naatsorsuutigineqartut matussuserneqarnissaat anguniarlugu iliuseqartoqarnissaannik aalajangiissapput.

§ 26. Kommunit Naalackersuisullu tamarmik ukiumi aningaasanut inatsiseqarfusumi piffissani aalajangersimasuni erseqqinnerusuni § 25, imm. 1 malillugu aningaasartuutunik kingullermik nakkutilliinerimi inernerit pillugit aamma § 25, imm. 2 malillugu aalajangiisinnaanerup imarisai erseqqinnerusut pillugit naalackersuisumut Naalackersuisut Siulittaasuannit erseqqinnerusumik aalajangersaanikkut immikkut tassunga piginnaatinneqartumut paasissutissanik nalunaaruteqartassapput.

Imm. 2. Imm. 1-imi taaneqartutut kommuni nalunaaruteqarsimangippat Naalackersuisup Siulittaasuata tassunga piginnaatitsineranut aalajangersakkat erseqqinnerusut malillugit naalackersuisuutitaq nalunaassaaq kommuni ullut suliffiusut 10-t qaangiutsinnagit nalunaaruteqassasoq. Piffissamut killiliussaq qaangerneqarpat nalunaaruteqartoqarnissaa tikillugu kommuninut ataatsimoortumik tapiissutit tunniunneqartussat 10 procentii uninngatinneqassapput. Nalunaaruteqartoqarpat ataatsimoortumik tapiissutit uninngatinneqartut tunniunneqassapput.

Imm. 3. Paasissutissat tunngavigalugit naalackersuisoq Naalackersuisup Siulittaasuata erseqqinnerusumik malittarisassat malillugit tassunga piginnaatitaata ukiumut aningaasanut inatsiseqarfusumut kommunit Namminersorlutillu Oqartussat aningaasartuutaannut naatsorsuutini kisitsisit kingulliit isertitariumaakkanut sippuisanersut nakkutigissavai. Naalackersuisoq taanna Naalackersuisup Siulittaasuata aalajangersakkat erseqqinnerusut malillugit tassunga piginnaatitaa nakkutilliinissamut atugassanik paasissutissanik kommuninut piniarsinnaavoq.

Imm. 4. Imm. 3 naapertorlugu aningaasartuutunik nakkutilliinerimi paasineqarpat ukiumi aningaasanut inatsiseqarfusumi kommunit Namminersorlutilluunniit Oqartussat aningaasartuutaat pillugit inaarutaasumik naatsorsuutit kommunit Namminersorlutilluunniit Oqartussat ukiumi aningaasanut inatsiseqarfusumi isertitaasa 2,5 procentii sinnerlugit sipporneqarsimasut, kommunalbestyrelsip

kommuni sinnerlugu imaluunniit Naalakkersuisut Namminersorlutik Oqartussat sinnerlugit ullut 30-t qaangiutsinnagit aningaasanit tamarmiusunit atorneqarsinnaasut killilissavaat, tassa ukiumi aningaasanut inatsiseqarfusumi missingersuutit sipporneqarnissaannik naatsorsuutigisap annertoqataanik killilissavaat, taamaattorli imm. 5 takuuk.

Imm. 5. Kommunimut tunngatillugu kommunalbestyrelsi imaluunniit Namminersorlutik Oqartussanut tunngatillugu Naalakkersuisut ukiumi aningaasanut inatsiseqarfusumi naatsorsuutigisatut sippunerit sapinngisamik matussuserniarlugit allatut iliuuseqarnikkut atorneqarsinnaasunik killiliisoqannginnissaa pillugu aalajangiisinnaavoq imaluunniit atorneqarsinnaasut killilimmik killilerneqarnissaat pillugu aalajangiisinnaavoq.

§ 27. Naalakkersuisoq taanna Naalakkersuisut Siulittaasuata aalajangersagai erseqqinnerusut malillugit tamatumunnga piginnaatinneqartoq § 25, imm. 1 aamma § 26, imm. 1-imi taaneqartut malillugit akulikinnerusumik aningaasartuutunik misissueqqusilluni aamma paasisstussanik tunniusseqqusilluni kommunimut peqqusisinnaavoq, matumani kingullermik aningaasartuutunik nakkutilliinermi inernerit kommunimut ukiumoortumik naatsorsuutigut kisitsisit inaarutaasut isertitassatut naatsorsuutaasunut 2,5 procent sinnerlugu amigartoorfusinnaanerak takuneqarsinnaassappat.

Imm. 2. Naalakkersuisoq taanna Naalakkersuisut Siulittaasuata aalajangersagai erseqqinnerusut malillugit tamatumunnga piginnaatinneqartoq § 25, imm. 1 aamma § 26, imm. 1-imi taaneqartut malillugit akulikinnerusumik aningaasartuutunik nakkutilleeqqusilluni aamma paasisstussanik tunniusseqqusilluni peqqusisinnaavoq, matumani aningaasartuutunik nakkutilliinermi tulleriinni 2-ni inernerit kommunip isertitaasa 2,5 procent sinnerlugu inaarutaasumik kisitsisinik qaangiisinnaanerak takuneqarsinnaappat.

Imm. 3. Naalakkersuisoq taanna Naalakkersuisut Siulittaasuata aalajangersagai erseqqinnerusut malillugit tamatumunnga piginnaatinneqartoq, imm. 2-milu pisut malillugit pisariaqartinneqarpat, aningaasartuutunik misissueqqissaartoqarnissaanik kommunimut peqqusisinnaavoq.

Aningaasartuutunik nakkutilliinissaq tulliuuttoq

§ 28. Kommunit tamarmik Naalakkersuisullu ukiumi aningaasanut inatsiseqarfusumi nutaami kingusinnerpaamik qaammatit pingasut siulliit naaneranni misissussavaat ukiumi aningaasanut inatsiseqarfusumi kingullermi aningaasartuutit pillugit naatsorsuutit kisitsisitaasa kommunip Namminersorluttillunniit Oqartussat ukiumi aningaasanut inatsiseqarfusumi kingullermi isertitaat sipporsimaneraat.

Imm. 2. Kommune ataaseq imm. 1-imi pineqartoq naapertorlugu nalunaaruteqanngippat Aningaasaqarnermut Naalakkersuisoqarfup kommune ullunik suliffusunik qulinik piffissalerlugu nalunaaruteqaqqussavaa. Piffissaliussaq malinneqanngippat kommunip nalunaaruteqarnissaata tungaanut kommunimut tapiissutissat 10 procentii uninngatinneqassapput. Nalunaaruteqartoqarpat tapiissutissat uninngatinneqartut tunniunneqassapput.

§ 29. § 28, imm. 1 malillugu Naalakkersuisut aningaasartuutunik nakkutilliineranni paasinarsippat ukiuni aningaasanut inatsiseqarfusuni kingullerni 4-ni naatsorsuutit kisitsisit pigineqartut Namminersorlutik Oqartussat ingerlatsinerannut sanaartortitsinerannullu isertitanit 1 procent sinnerlugu amerliartorfusunik amigartoorfusut Naalakkersuisut Aningaasaqarnermut Akileraartarnermullu

Ataatsimiititaliaata akuersissuteqareerneratigut ullut 30-t qaangiutsinnagit ukiumut aningaasanut inatsiseqarfusumut nutaamut Namminersorlutik Oqartussat aningaasaliissutaanni aningaasat amerliartorfusumik amigartooruteqarfusut ukiuni aningaasanut inatsiseqarfusuni 4-ni kingullerni isertitat aqqutigalugit 1 procent sinnerlugu qaangerneqarsimappata minnerpaamik 33,33 procentiinik ikilisaassapput aningaasanillu atorneqartussanik assinganik aalajangiillutik, taamaattoq imm. 2 takuuk. Ukiuni aningaasanut inatsiseqarfusuni 4-ni siuliini amerliartorfusunik amigartoorutaasut sinneruttut ukiup aningaasanut inatsiseqarfusup nutaap kingornagut ukiuni aningaasanut inatsiseqarfusuni 3-ni Namminersorlutik Oqartussat aningaasaliissutaannik ikilisaassapput.

Imm. 2. Naalackersuisut Aningaasaqarnermut Akileraartarnermullu Ataatsimiititaliap akuersissuteqareerneratigut, ukiunilu 4-ni aningaasanut inatsiseqarfusuni siuliini ingerlatsinermut sanaartortitsinernullu amerliartorfusumik amigartoorutaasut iliuitsit allat aqqutigalugit akuerineqarsimappata, ukiumut aningaasanut inatsiseqarfusumut nutaamut ukiunilu aningaasanut inatsiseqarfusuni tulliuuttuni Namminersorlutik Oqartussat aningaasaliissutaannik ilanngaasoqarnissaanik imaluunniit taakkuninga killilimmik ilanngaasoqarnissaanik aalajangiisinaapput. Oqaaseqatigiinni siullerni pisut pineqartut pippata Naalackersuisut taamatuttaaq atorneqarsinnaasunik killiliisinaapput.

§ 30. Naalackersuisoq taanna Naalackersuisut Siulittaasuata aalajangersagai erseqqinnerusunut malillugit tamatumunga piginnaatinneqartoq kommunip ukiuni siuliini 4-ni naatsorsuutai isertitaniit 2,5 procent sinnerlugu amerliartorfusumik amigartoorfusut paasineqarpat ukiumi tapiissuteqarfusumi Namminersorlutik Oqartussat kommuninut ataatsimoortumik tapiissutaanik ilanngaassaaq. Ukiuni aningaasanut inatsiseqarfusuni pineqartuni isertitat 2,5 procent qaangerlugu amigartoorfusimappata ukiumi aningaasanut inatsiseqarfusumi siullermi aningaasat 40 procentiinik ilanngaasoqassaaq. Ukiuni aningaasanut inatsiseqarfusuni pineqartuni isertitat 2,5 procent qaangerlugu amigartoorfusimappata ukiuni aningaasanut inatsiseqarfusuni tulliuuttuni 3-ni aningaasat 20 procentiinik ilanngaasoqassaaq.

Imm. 2. Ukiumi aningaasanut inatsiseqarfusumi siullermi ilanngaanernut ukiumi tapiissuteqarfusumi qaammatini juulimi, aggustimi, septembarimi, oktobarimi, novembarimi aamma decembarimi assigiimmik ilanngaanermut akiliisoqassaaq. Ukiuni aningaasanut inatsiseqarfusuni tulliuuttuni ukiup ingerlanerani qaammatit 12-k assigiimmik ilanngaanermut akiliisoqassaaq.

Imm. 3. Naalackersuisut imm. 1 naapertorlugu appaassutigineqartunik naatsorsuinissamut akilersuinissamullu erseqqinnerusumik malittarisassaliorsinnaapput, tassunga ilanngullugu naatsorsuusiornermut aamma missingersuutit naatsorsuutillu imminnut sanillersuunneranni aqqitassat pisariaqartut pillugit immikkut ittumik kukkuneruineri uppersaatinik pissarsiniarsinnaallutik.

Ilisimatitsinerit

§ 31. Aningaasartuutunik Namminersorlutik Oqartussat kommunillu nakkutilliineranni inerniliussat pingaarnerit pillugit Naalackersuisut kingusinnerpaamik 1. september aamma 1. december Inatsisartut Aningaasaqarnermut Akileraartarnermullu Ataatsimiititaliaanut kiisalu Kukkuneruinerimut Ataatsimiititaliamut ilisimatitsisassapput, tamannalu pillugu paasissutissanik Namminersorlutik Oqartussat internetimi nittartagaatigut tamanut saqqummiussillutik. Ilisimatitsissut ilaatigut §§ 14-17-imi aningaasaliissutini taaneqartuni atuinermut tunngasunik immikkut killiffimmik imaqassaaq suliniutinullu

nutaanut, neriorsuutitut il.il., suliniutitut aallartereersunut, neriorsuutitut il.il. aamma suliniutitut naammassisanut imaluunniit unitsiinnakkanut, neriorsuutitut il.il. agguataarlugit.

Imm. 2. Naalakkersuisut qaammatit arfinilikkaarlugit Namminersorlutik Oqartussat nittartagaat atorlugu pisortat akiitsuisa tamarmiusut takussutissartaat tamanut saqqummiuttassavaat.

§ 32. Kalaallit Nunaata aningaasaqarnera pillugu ukiumoortumik nalunaarusiaq, tassunga ilanngullugu pisortat aningaasartuutaasa isertitaasalu ineriartornerat Naalakkersuisut Inatsisartut upernaakkut ataatsimiinneranni saqqummiuttassavaat. Ukiumoortumik nalunaarusiap imarissavai qitiusumik aningaasartuuteqarfusartuni isertitaqarfusartunilu ataatsimi arlalinniluunniit aningaasaqarnikkut suliaassanillu ingerlatsinerup misissuiffigeqqissaarneqarsimanerat.

Imm. 2. Aningaasanut inatsit ukiumi aningaasanut inatsiseqarfusumi akuersissutigineqarpat nalunaarusiaq imm. 1-imi pineqartoq Naalakkersuisut saqqummiutinngitsoorsinnaavaat.

Imm. 3. Inatsisartunut qinersinerup malitsigisaanik upernaakkut ataatsimiittoqanngippat, imm. 1-imi taaneqartoq nalunaarusiaq, Kalaallit Nunaanni maannakkut aningaasaqarnikkut inissisimaneq pillugu Inatsisartunut allakkatigit ilisimatitsissuteqarnermik, taarserniarlugu Naalakkersuisut aalajangersinnaapput.

Aqutsinermi piginnaatitsissut

§ 33. Naalakkersuisut aningaasartuutunik nakkutilliisarneq pillugu erseqqinnerusumik malittarisassaliorsinnaapput.

Imm. 2. Naalakkersuisut kommunit Namminersorlutillu Oqartussat taarsigassarsianut allatullu akiitsunut pisussaaffinnut naatsorsuutaat pillugit malittarisassanik erseqqinnerusunik aalajangersaasinnaapput, soorlu pisussaaffinngoratarsinnaasunut, attartortitsinissamut isumaqatigiissutit, pisortat namminersortullu suleqatigiinneri il.il. aamma tamakku pillugit aningaasaqarnermut naalakkersuisoqarfimmut nalunaaruteqartarnerit. Naalakkersuisut tassunga atatillugu naalakkersuisup taassuma Naalakkersuisut Siulittaasuata aalajangersagai erseqqinnerusut malillugit tamatumunnga piginnaatinneqartup nakkutilliinissamut atugassanik paasissutissanik kommuninut piniarsinnaaneramik aalajangersaasinnaapput.

Kapitali 6

Naatsorsuutit

Missingersuusernermut Naatsorsuusernermullu Siunnersuisoqatigiit

§ 34. Namminersorlutik Oqartussat naatsorsuusernermut pisortaat aallartitaq Naalakkersuisunit toqqarneqartoq aamma aallartitat kommuninut toqqarneqartut peqatigalugit Missingersuusernermut Naatsorsuusernermullu Siunnersuisoqatigiinni ilaasortaavoq. Siunnersuisoqatigiit missingersuutitut naatsorsuutinullu tunngasuni pisortat ataatsimut soqutigisaannut tunngatillugu apeqqutini Naalakkersuisunut siunnersuisassapput.

Imm. 2. Sinniisuutitaq Naalakkersuisunit toqqagaasoq siunnersuisoqatigiinni siulittaasuussaaq, soorlu Naalakkersuisut siunnersuisoqatigiinnut allattaaneramik isumaginnittuussasut.

Imm. 3. Naalakkersuisut Missingersuusionermut Naatsorsuusionermullu Siunnersuisoqatigiinnut tunngatillugu erseqqinnerusumik malittarisassaliorsinnaapput, tassunga ilanngullugu siunnersuisoqatigiit suleriaasissaat aalajangersaaffigisinnaavaat.

Namminersorlutik Oqartussat naatsorsuutaat

§ 35. Naalakkersuisut ukiumut aningaasanut inatsiseqarfusumut kingullermut tunngatillugu Nunatta Karsiata naatsorsuutai kukkunersuisut allattugaat ilanngullugit kingusinnerpaamik Inatsisartut ukiakkut ataatsimiinneranni saqqummiuttassavaat.

Imm. 2. Nunatta Karsiat naatsorsuutaasa sananeqarnermikkut ukioq aningaasanut inatsiseqarfusooq aamma ilassutitut aningaasanut inatsiseqarfusooq malissavaat, imarissavaalu ukiumi aningaasanut inatsiseqarfusumi kingullermi Nunatta Karsiata isertitai aningaasartuutaalu tamarmiusut kiisalu Nunatta Karsiata pigisai nalillit akiligassaalu aamma ukiup ingerlanerani atuisimanerit.

§ 36. Naalakkersuisut Namminersorlutik Oqartussat naatsorsuuseriveqarnerat pillugu malittarisassaliorsinnaapput. Naalakkersuisut malittarisassaliornerminni naatsorsuuseriveqarnerup iluani isumannaatsuunissap torersumillu ingerlatsinissap eqqarsaatigineqarnerisa saniatigut paasissutissanik aningaasaqarnermik pilersarusionermut, aqutsinermut nakkutilliinermullu atorineqartussanik pissarsisinnaaneq eqqarsaatigissavaat.

§ 37. Namminersorlutik Oqartussani naalakkersuisoqarfiit, aqutsisoqarfiit suliffeqarfillu il. il. § 1-imi pineqartut paasissutissanik Naalakkersuisunut nalunaaruteqartassapput aamma naatsorsuineri atorlut Naalakkersuisut Nunatta Karsiata naatsorsuutaanik saqqummiussinissamut pisariaqartitaat pissarsiarisassavaat.

§ 38. Nunatta Karsiata ukiumoortumik naatsorsuutaanik kukkunersuisarneq kukkunersuisunit naalagaaffimmit akuerisaasunit Inatsisartut toqqagaannit isumagineqartassaaq.

§ 39. Nunatta Karsiata naatsorsuutai pisortat kukkunersuineri ileqqorissaarnissaat naapertorlugu kukkunersuisut kukkunersiortassavaat aamma Nunatta Karsiata naatsorsuineri atorlut isornartorsiuisumik misissortassavaat. Kukkunersuisut ilaatigut naatsorsuutit eqqortuunersut misissortassavaat, aamma pissutsit naatsorsuutini saqqummiussinermi pineqartut aningaasaliissutitut, inatsisinut najoqqutassanullu allanut kiisalu isumaqatigiissutigisanut aamma suleriaatsinut nalinginnaasunut naapertuunnersut misissortassavaat.

Imm. 2. Kukkunersuisooq Inatsisartut kukkunersuineri tunngatillugu piumasaqaataanik malinnissaaq, piumasaqaatit inatsimmut aamma pisortat kukkunersuineri ileqqorissaarnissaannut akerliunngippata.

§ 40. Naalakkersuisut paasissutissanik suugaluartunik naatsorsuutit naliliiffiginissaannut pisariaqartinneqartunik kukkunersuisunut nalunaaruteqassapput, takuuk Inatsisartut Naalakkersuisullu pillugit Inatsisartut inatsisaanni § 18 aamma § 19.

Kommunit naatsorsuutini nalunaarsuisarnerat naatsorsuutaallu

§ 41. Kommunip naatsorsuutaani nalunaarsorneqassapput kommunip aningaasaatai qanoq aqunneqarsimanersut aammalu aqunneqarnerat ukiumoortumik aningaasanut missingersuusianut kommunalbestyrelsillu aalajangiinerinut allanut naapertuuttuunersut.

Imm. 2. Kommunip aningaasaatai isumannaatsumik paarineqassapput. Aningaasat ullormut atorneqartussat tigorianaatinneqanngitsut aningaaserivimmuk ikineqassapput imaluunniit obligationinut aningaasaliinermiluunniit uppersaatinut inissinneqassallutik aningaasaateqarfit aningaasaataannik inissiiffiqineqarsinnaasunut.

§ 42. Kommunip naatsorsuutai aningaasaqarnermut ataatsimiititaliamit kommunalbestyrelsimut saqqummiunneqassapput. Naatsorsuutitut ilaatinneqassapput:

- 1) kukkunerisuiusumit nassuiaatit,
- 2) kommunip qularnaveeqqusiinerinut, attartornerinut, attartortitsinerinut aamma qularnaveeqqusiisuteqarnermi pisussaaffiitut nalunaarsuutit,
- 3) pisariaqartitsineq naapertorlugu pissutsit qanoq ittuunerannut nassuiaatit, minnerunngitsumik aningaasaliissutaasut naatsorsuutaasullu malunnaatilimmik nikingassuteqarneranni, aamma
- 4) kommunip aningaasaliiffiqisassatut pilersaarutaanut, ukiunut arlalinnut missingersuusiaanut il. il. tunngatillugit pissutaasunut nassuiaatit.

Imm. 2. Kommunibestyrelsip naatsorsuutitut nassuiaatit isummerfiggissavai aamma naatsorsuutini immikkuualuttut malitseqartinneqassanersut isummerfiggissallugit, tamatumalu kingorna naatsorsuutit kommunalbestyrelsip kukkunerisuiusunut Naalakkersuisunullu ingerlatissavai.

Imm. 3. Naalakkersuisut naatsorsuutit saqqummiunneqarnissat pillugu malittarisassaliussapput.

§ 42 a. Kommunip kingusinnerpaamik ukiumi naatsorsuiffiusumi 2023-mi atuutilertussamik kommunip pissarsiassa akilerneqanngitsut isumakkeerfiginerisigut nammineq aningaasaatimi aqqiiviginissaanut Naalakkersuisut akuersissuteqarsinnaapput. Pissarsiassat nalikilliliiffissamit ukiunik marlunnik sivikinnerusumik akilerneqartussaasimasut akuersissummi ilaatinneqarsinnaanngillat. Taamatut akuersissuteqarnissamut atugassarititaasunik piumasaqaatinillu erseqqinnerusunik Naalakkersuisut aalajangiisnaapput, tassungalu ilanngullugu akiligassat qanoq ittut akuersissummut ilaatinneqarsinnaanerat aalajangersinnaallugu.

§ 43. Aningaasaqarnermut Ataatsimiititaliaq ingerlatsivinnit aningaasaqarnermut ataatsimiititaliap toqqaannartumik ataaniinngitsunit akissuteqaatinik piumasaqassaaq. Akissuteqaatit Aningaasaqarnermut Ataatsimiititaliap kommunalbestyrelsimut inassuteqaataani ataatsimoortuni ilaatinneqassapput.

Kommunalbestyrelsi ukiumoortumik naatsorsuutitut oqaatigissat nassiunneqartut akineqarnissaannik, ukiumoortumillu naatsorsuutit akuerineqarnissaannik ukiup naatsorsuusiorfusup qaangiunnerani ukiumi kingusinnerpaamik ulloq 15. september aalajangiissaaq.

Imm. 2. Kommunibestyrelsi aalajangeereerpat, tak. imm.1, aalajangiussaq kukkunerisuisut oqaaseqaataat ilanngullugit Naalakkersuisunut nassiunneqassapput.

Imm. 3. Ukiumoortumik naatsorsuutit inaarutaasumik akuerineqarnerannit kingusinnerpaamik ullut 14-it qaangiunneranni kukkunerisuisut allattugaat ilanngullugit kommunip nittartagaani tamanit takuneqarsinnaanngussapput.

Imm. 4. Imm. 1-imi killiliusaaq naammassineqarsinnaanngippat Aningaasaqarnermut ataatsimiititaliap siulittaasua, taassumaluunniit sinniisua tamanna pillugu ukiup naatsorsuusiorfusup kingorna kingusinnerpaamik ulloq 15. august Naalackersuisunut nalunaaruteqassaaq. Naalackersuisunut ilaasortaq, Naalackersuisut siulittaasuaata erseqqinnerusumik aalajangiinerata kingorna tassunga akisussaasuusoq, pisut malillugit ukiumoortumik naatsorsuutit akuerineqarnissaannut piffissaliussamik qaammatit marluk angullugit kinguartitsisinnaavoq. Piffissaq kinguartitsiffusoq qaangerneqarpat, § 47, imm. 1-imi aalajangersakkat atuutissapput.

§ 44. Kommunit tamarmik akuerisaasunik kukkunersuiisoqassapput kukkunersuiisunut inatsit sukkulluunniit atuuttoq tunngavigalugu. Kukkunersuiineq Naalackersuisunit akuerineqassaaq. Kommunalbestyrelsip kukkunersuiisoq akuerisaasoq asoortissappagu Naalackersuisut akuersiteqqaartinneqassapput.

Imm. 2. Kommunip naatsorsuutai pisortat kukkunersuiinermi ileqqorissaarnissaat naapertorlugu kukkunersuiisut kukkunersiortassavaat aamma kommunip naatsorsuinermit atortui isornartorsuiisumik misissortassavaat.

Imm. 3. Kukkunersuiisut sukkulluunniit nalunaaruteqaaqqaratik karsimik misissuisinnaatitaapput akuttunngitsunillu kommunip naatsorsuutaanik misissuisassallutik, tassungalu atatillugu nakkutilliinermi iliusissatut akuerisaasut, taakkununga ilanngullugit qarasaasiat atornissaannut najoqqutassiat toqqissimanartuunersut misissorneqarnissaat siuunertaralugu.

Imm. 4. Kommunalbestyrelsi paasissutissanik pissarsinissamut paasissutissanillu kukkunersuiisut ingerlatsinerminni pisariaqartitaannik tunniussinissamut pisussaavoq.

Imm. 5 Imm. 3 naapertorlugu kukkunersuiisut suliaqarnerannut atatillugu § 43, imm. 1 aamma 2 kukkunersuiisut nalunaarutaannut atorneqarsinnaapput.

§ 45. Kommunalbestyrelse kommunip karsiata naatsorsuuseriviatalu aaqqissuusaaanerannut suleriaaseqarnerannullu tunngatillugit malittarisassaliussaaq. Malittarisassaq kommunip kukkunersuiisunut nassiuineqassaaq, taakkualu allannguutininik atulersitsinnginnermi tamatigit ilisimatinneqartassapput.

Imm. 2. Kommunip karsiata naatsorsuuseriveqarneratalu aqunneqarnissaannut, kontulersuisarnissamut, kukkunersuiisarnissamut aamma kukkunersuiisut oqaaseqaateqartarnissaannut Naalackersuisut malittarisassaliorsinnaapput.

Kapitali 7

Aningaasaqarnermut Siunnersuisoqatigiit

§ 46. Naalackersuisut Aningaasaqarnermut Siunnersuisoqatigiit akit nikerarnerannik aningaasaqarnermillu ingerlatsinerup attanneqarsinnaanerannik nalilersuisussat pilersissavaat. Aamma Naalackersuisut siunnersuisoqatigiit qinnuigisinnaavaat inuiaqatigiit aningaasaqarnerannut pingaarutilinnik allatigit siunnersoqqullutik.

Imm. 2. Aningaasaqarnermut Siunnersuisoqatigiit katitigaanerat, piffissaq atuuffissaat il.il. nalunaarutikkut aalajangersarneqassapput.

Imm. 3. Aningaasaqarnermut Siunnersuisoqatigiit allattoqarnerat aningaasaqarnermut naalakkersuisoqarfimmit isumagineqarpoq.

Imm. 4. Naalakkersuisut Aningaasaqarnermut Siunnersuisoqatigiit suleriaasissaat aalajangersarsinnaavaat.

Kapitali 7 a

Pisortani ataatsimoorusaaq IT pillugu suleqatigiinneq

§ 46 a. Naalakkersuisut Pisortat ataatsimoorlutik qarasaasianik ingerlatsinerannut siulersuisut inassuteqareernerisigut, aamma kommunit tusarniarneqareernerisigut, alajangersinnaavaat:

- 1) qarasaasiat sorliit pisortani ataatsimoorussatut isigineqassanersut, aamma
- 2) kommunit aamma Namminersorlutik Oqartussat pisortat ataatsimoorlutik qarasaasiat sorliit atussaneraat, tassungalu ilanngullugu pisussaaffik kommuninut tamanut aammalu Namminersorlutik Oqartussanut imaluunniit taakku ilaannaannut atuutissanersoq.

Imm. 2. Naalakkersuisut kommunit Namminersorlutik Oqartussallu peqatigalugit pisortat qarasaasianik ataatsimoorlutik pisaarnissamut, ingerlatsineranut ineriartortitsinermullu aaqqissuussaaneermik pilersitsinissaat pillugu malittarisassanik aalajangiisnaapput. Naalakkersuisut matuma ataani, aaqqissuussaaneq qanoq aquneqassanersoq, alajangiinermi tunngaviit suut malillugit pisortani qarasaasiat ataatsimoorussatut isigineqassanersut, aaqqissuussaaneq aningaasartuutai kommunit Namminersorlutillu Oqartussat akornanni qanoq agguarneqassanersut, aaqqissuussaaneq kommunit aamma Namminersorlutik Oqartussat avataanni allanut sullissilluni suliaqarsinnaanersoq il. il. malittarisassanik aalajangiisnaapput.

Kapitali 8

Pineqaatissiissutaasinnaasut

§ 47. Inatsit manna malillugu pisussaaffigisanik kommunalbestyrelsi isumaginikkusunngippat Nakkutilliisoqarfik kommunalbestyrelsimi ilaasortanut pisussaaffimmik isumaginikkusunngitsunut pinngitsaaliissummik akileeqqusilluni peqqusisnaavoq.

Imm. 2. Kommunalbestyrelsimut ilaasortaqa kommunalbestyrelsimi ilaasortatut pisussaaffimminik sakkortuumik unioqqutitsisoq akiliisinneqartussanngortinneqarsinnaavoq.

Imm. 3. Assuarliut imm. 2 naapertorlugu pisoq taamaallaat Nakkutilliisoqarfup piumasaqarneratigut pisinnaavoq.

Kapitali 9

Atuutilersinneqarnera ikaarsaariarnermilu aalajangersakkat

§ 48. Inatsisartut inatsisaat 1. januar 2018 atuutilissaaq, taamaattoq takuuk imm. 2-4.

Imm. 2. §§ 14 aamma 17-ip atuutilerfissaannut piffissaq nalunaarut aqutigalugu Naalakkersuisunit aalajangersarneqassaaq.

Imm. 3. § 18 1. december 2016 atuutilissaaq.

Imm. 4. § 26, imm. 3-5, aamma §§ 27-30 ulloq 1. januar 2019 atuutilissapput.

Imm. 5. Ulloq 31. december 2017 Namminersornerullutik Oqartussat naatsorsuuseriveqarnerat il. il. pillugit Inatsisartut inatsisaat nr. 23, 3. november 1994-imeersoq, Namminersornerullutik Oqartussat missingersuutaat pillugit Inatsisartut inatsisaat nr. 8, 29. oktober 1999-imeersoq §§ 21-24 kisiisa pinnagit, Namminersornerullutik Oqartussat missingersuutaat pillugit Inatsisartut inatsisaata nr. 8, 29. oktober 1999-imeersup allanngortinneqarneranik Inatsisartut inatsisaat nr. 1, 23. maj 2000-imeersoq kiisalu Kommunit aquneqarnerat pillugu Inatsisartut inatsisaat nr. 22, 18. november 2010-meersumi §§ 40-50 atorunnaarsinneqassapput.

Imm. 6. Inatsisitigit aalajangersakkat imm. 5-mi inatsisit aalajangersakkallu taaneqartut malillugit atortussanngortinneqarsimasut atuutiinnassapput inatsisitigit aalajangersakkanik Inatsisartut inatsisaat manna malillugu atortussanngortinneqartunik taarserneqarnissaat tikillugu.

Inatsisartut inatsisaat nr. 24, 28. november 2018-imeersoq (Piffissaq ungasinnerusoq eqqarsaatigalugu aningaasaliissuteqarnissamut Aningaasaateqarfimmut isertitassanut tunngavissat annertusineqarnerat, innersuussutip naqqiissuteqarfigineqarnera, pisortat ataatsimoorussamik IT atorlugu aaqqissuussinerat aamma missingersuutit oqimaaqatigiinnerat pillugu §§ 2-5-imik atorunnaarsitsigallartarneq ^[1] ima atulernissamut aalajangersagaqarpoq:

§ 2

Inatsisartut inatsisaat ulloq 1. januar 2019 atuutilerpoq.

Inatsisartut inatsisaat nr. 13, 1. december 2021-meersoq (Missingersuutit inissisimanerannik naatsorsueriaatsimik allanngineq, nammineq aningaasaatinik naleqqussaanssamut ataasiaannartumik akuersissut aamma pisortat ataatsimoorlutik qarasaasiaat pillugit malittarisassanik erseqqissaaneq) ^[2] ima atulernissamut aalajangersagaqarpoq:

§ 2

Inatsisartut inatsisaat ulloq 1. januar 2022 atuutilissaaq, inatsisillu atuutilerneranit ukiumoortumik missingersuutitut aningaasanullu inatsisinut akuersissutigineqartunut atuulluni.

Imm. 2. Inatsisip atortuulersinneqarnerani Namminersornerullutik Oqartussat missingersuutaat pillugit Inatsisartut inatsisaat nr. 8, 29. oktober 1999-imeersumi §§ 21-24 atorunnaarsinneqassapput.

Imm. 3. 2023-mut § 2, imm. 2, nr. 2-mi naatsorsuutit killiffi taaneqartut, Inatsisartut inatsisaanni § 1, nr. 1-imi matumani oqaasertaliorneqartut ukiut aningaasanut inatsiseqarfiit sisamani tulliuuttuni kommuninut tamanut aamma Namminersorlutik Oqartussanut, kommunit ukiumoortumik missingersuutaat aamma Namminersorlutik qartussat 2021-mut Aningaasaqarnermut inatsisaat ilassutitullu aningaasaliissutit 1. januar 2022 sioqqullugu akuerineqarsimasut tunngavigalugit, ukiumoortumik missingersuutit maluunniit

anigaasanut inatsit akuerineqarsimasut 1,50 procentimik ilassuserlugu killigitat aalajangerneqassapput. Naalackersuisoq taanna Naalackersuisut Siulittaasuata erseqqinnerusumik aalajangiineratigut tamatumunnga piginnaatinneqartoq, 2022-mi apriilip naannginnerani naatsorsuutininik suliaqassaaq. *Imm. 4.* Naatsorsuutininut § 4, imm. 1-imi taaneqartunut taamaallaat ilaapput ukiut anigaasanut inatsiseqarfiusut Inatsisartut inatsisaata atuutilernerata kingorna naammassineqartut, 2023-milu februaarip naannginnerani siullermik suliarineqartut.

Inatsisartut inatsisaat nr. 63, 20. november 2023-meersoq (Teknikikkut naleqqussaait, Kommunit immikkoortunut pilersaarutaat kiisalu Piffissaq ungasinnerusoq eqqarsaatigalugu anigaasaliissuteqarnissamut Aningaasaateqarfimmuut nuutsisarneq) ^[3] ima atulernissamut aalajangersagaqarpoq:

§ 2

Inatsisartut inatsisaat ulloq 1. januar 2024 atuutilissaaq.

Aningaasaqarnermut Akileraartarnermullu Naalackersuisoqarfik , ulloq 1. december 2025

Nikolai Sten Christensen (atsior.)

Pisortaq

/Morten W. Selvejer (atsior.)

[1] Inatsimmut allannguut §§ 18, 23, 32, 46 a aamma 50-imut tunngavoq

[2] Inatsimmut allannguut §§ 2, 4, 13-17, 20a, 42, 42 a, 43, 46 a, 49 aamma 50-imut tunngavoq

[3] Inatsimmut allannguut §§ 2, 4, 12, 18, 20 aamma 43-mut

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut